

قیام عیسی مسیح

۲۴

۱ صبح زود یکشنبه، زنا عطرفهای ره که آماده هاکارده بینه ره بییتنه و بورده سر قبر ۲ بدینه سنگ جلو مقبره کنار هاداهه هسه. ۳ اما وقتی بورده مقبره دله بدن خداوند عیسی ره پدا نکاردنه. ۴ از این واقع در تعجب دینه که یکدفعه دتا مردی با لباسهای نورانی در کنار ویشون هرسانه. ۵ زنا از ترس شه سرها ره دمبدانه زیر؛ اما اون دتا مردی ویشونه باثوته: «چه ایسته زنده دنبال، میون مردها گردنی ۶ و اینکه دنییه، بلکه راست بییه! بهیاد بیارین اون زمان که در جلیل دبییه شما ره چیشی باثوته. ۷ باثوته که انسان ریکا باید مردم گناهکار دست تسلیم بووه صلیب رو بوره و در روز سوم راست بووه.» ۸ بعد زنا ونه حرفا ره بهیاد بیاردنه. ۹ وقتی مقبره جه بردگردسته تموم اینها ره به اون یازده تا رسول و هم به دیگران باثوته. ۱۰ زنهایی که این خور ره به رسولها هادانه: مریم مجدلیه، یونا، مریم یعقوب مار و چندتا زن دیگه که ویشون همراه دینه بینه. ۱۱ اما رسولها باثوته زنا ره خیال بیته پس ویشون حرفها ره باور نکاردنه. ۱۲ با اینا پطرس راست بییه و بورده قبر طرفی و خم بییه حارشا، اما جز کفن هیچ چی دیگه ندییه. پس تعجب هاکارده از اونچه اتفاق دکتته بییه و به شه سیره بر دگردسته.

در راه عموآس

۱۳ در همون روز دتا نفر از پیروان عیسی به آتا ده شینه، به اسم عموآس در حدود د فرسنگی اورشلیم. ۱۴ ویشون درباره تموم اتفاقیهای که دکتته بیه ره با هم صحبت کاردنه. ۱۵ همینجوری که سرگرم بحث و گفتگو بینه عیسی خودش ویشون پلی بییمو و ویشون همراه راه دکتته. ۱۶ اما اونا و ره نشناسینه اینسه که قدرت تشخیص اوناچه بیته بییه. ۱۷ و اوناچه پرسیه: «در راه درباره چیشی صحبت کاردینی؟» اونا با ناراحتی ساکت هرسانه. ۱۸ بعد آتا از اونا که ونه اسم کلثوپاس بییه، در جواب باثوته: «آیا ته تنها نفر غریب در اورشلیم هستی که از اونچه در این روزها اتفاق دکتته بیخوری؟» ۱۹ پرسیه: «کدوم اتفاق؟» باثوته: «اونچه عیسای ناصری سر بوگذشته. و نبی بییه که خدا پلی و تموم مردم پلی کلام و اعمال پرقدرتی داشته. ۲۰ سران کاهنون و حکمرانان اونا و ره تحویل حاکمون رومی هادانه تا ور به مرگ محکوم هاکنند و ره به صلیب بکشینه. ۲۱ اما اونا امید داشتیمی و همون بووه که باید اسرائیل ره رهایی هاده. علاوه بر اینا در واقع الان سه روز از این اتفاق بوگذشته. ۲۲ بعضی از زنا هم که در میونه اما درنه، اما ره متعجب هاکارده. اونا امروز صبح زود قبر سر بورده ۲۳ اما ونه جنازه ره پدا نکاردنه. بعد بییمونه اماره باثوته شه رویا دله فرشتهها ره بدینه که ویشونه باثوته و زنده هسه. ۲۴ بعضی از اومه رفقا بورده سر قبر و اونچه ره همونجور که زنا گاتنه بدینه اما و ره ندینه.» ۲۵ بعد ویشونه باثوته: «ای ناداهون که دل دیرفهم برای باور هاکارده باثوتههایه انبیا

دارنی! ۲۶ آیا نباید مسیح این رنجها ره بوینه و بعد به شه جلال دربیجه؟» ۲۷ بعد از موسی و تموم انبیا شریوع هاکارده و اونچه ره که در تموم کتاب مقدس ونه خوری بائوته بینه ره ویشونسته توضیح هادا. ۲۸ وقتی به عموآس که ویشون هدف بی‌یه نزدیک بیینه عیسی اینجوری بائوته که خانه بوره دورتر. ۲۹ اما اونا اصرار هاکارده و بائوته: «آمه پکی دوش اینسه که انده نموندسته تا روز تموم بووه و شو نزدیک هسه.» پس بورده با ویشون بمونه. ۳۰ وقتی با اونا سفره سر هینشته بی‌یه نون ره بیته و شکر هاکارده پاره هاکارده و ویشونه هادا. ۳۱ در همون موقع ویشون چشا واز بییه و و ره بشناسته، اما در همون لحظه ویشون پکی جه ناپدید بییه. ۳۲ اونا همدیگه جه بپورسینه: «بعدی اون زمان که راه دله با اما صحبته کرده و کتاب مقدس ره آمسته تعریف کرده چتی آمه دل به لرزه در بی‌یموهه بیه؟» ۳۳ پس سریع راست بیینه و بردگردسته اورشلیم. اونجه اون یازده تا رسول ره پدا هاکارده که با شه رفقون نیشینه ۳۴ شاگردون به اون دتا مردی گاتنه: «اینتا حقیقت دانه که خدایوند قیام هاکارده اینسه که بر شمعون ظاهر بییه.» ۳۵ بعد اون دتا هم بائوته که راه دله چه اتفاق دکت و چجوری عیسی ره زمون پاره هاکارده نون پشناسینه.

ظهور عیسی بر شاگردون

۳۶ هنوز در این باره صحبته کارده که عیسی شه ویشون میون ظاهر بیه و بائوته: «سلام بر شما بوئه!» ۳۷ تعجب هاکارده و بترسینه فکر هاکارده روح ویننه. ۳۸ ویشون بائوته: «چه ایسته اینجوری نگرانی؟ چه ایسته شک و تردید شه دل راه دینی؟» ۳۹ مه دست و لینگ ره حارشین. خودم هستمه! مه ره دست بزنین و بونین؛ روح که گوشت و استخون نداننه اما همین جوری که وینی من دارمبه!» ۴۰ اینا ره بائوته و شه دستها و لینگها ره ویشون ره نیشون هادا. ۴۱ اونا از بس که خشحال و متعجب بینه نتونسته باور هاکنند. پس ویشونه بائوته: «هیچی بخاردنسته دارینی؟» ۴۲ انا تیکه ماهی کباب و ره هادانه ۴۳ اون ره بیته و ویشون چشه جلو بخارده.

۴۴ بعد ویشونه بائوته: «این همون هسه که وقتی با شما دیمه گاتمه؛ اسا تموم اونچه در تورات موسی و کتاب انبیا و زبور درباره من بنوشته هسه باید اتفاق دکفه.» ۴۵ بعد ویشون فکرها ره روشن هاکارده تا بتوند کتاب مقدس ره درک هاکنند. ۴۶ و ویشونه بائوته: «بنوشته که مسیح رنج باید بوینه و در روز سوم مردگان دلجه راست بووه ۴۷ و این هسته مه پیغوم نجات که باید از اورشلیم به همه قوما برسین (همه کسانی که شه گناهن جه توبه هاکنند و بسوی من بردگردن آموزیده وونه).» ۴۸ شما شاهدان این امور هستینی. ۴۹ من روح القدس ره که مه پی‌یر شما ره وعده هاداهه شیمسته رسندمبه پس در این شهر بمونین تا اون زمان که از بالا با قدرت آراسه بووشین.»

صعود عیسی به آسمون

۵۰ بعد ویشون ره به بیرون شهر تا نزدیکی بیت‌عنیا بورد و شه دستا ره بلند هاکارده ویشون ره برکت هادا؛ ۵۱ و در همون موقع از اونا جدا بیه به آسمون بورد بیه. ۵۲ اونا و ره پرستش هاکارده و با خشحالی خله زیاد بردگردسته اورشلیم. ۵۳ اونا همیشه به معبد شینه و خدا ره شکر و سپاس گاتنه.